



# YOSHILAR OVOZI

2018-YIL 3-FEVRAL,  
SHANBA

www.yoshlarovozi.uz  
E-mail: yoshlarovozi@umail.uz

14  
(16172)

O'zbekiston yoshlar ittifoqining ijtimoiy-siyosiy, iqtisodiy, adabiy-badiiy gazetasi

## » SHU SONGA XABAR

### ЎЗБЕКИСТОННИНГ ЁШЛАР СИЁСАТИ БМТга тақдим этилди

Бирлашган Миллатлар Ташкилотининг Нью-Йоркдаги қароргоҳида БМТ Ёшлар форуми бўлиб ўтди. Унинг доирасида Ўзбекистоннинг ушбу глобал тизимдаги доимий ваколатхонаси томонидан республикада олиб борилаётган ёшлар сиёсати тақдимоти ўтказилди.

Тақдимот давомида мамлакатимиз Президенти ташаббуси билан тузилган Ўзбекистон Ёшлар иттифоқи фаолияти, мақсад-вазифалари, шунингдек, ўсиб келаётган авлодни ҳар томонлама қўллаб-қувватлаш, қонуний ҳуқуқ ва манфаатларини ҳимоя

қилиш тизимининг тубдан ислоҳ этилишига доир маълумотлар ҳавола этилди. Бундан ташқари, "Ёшларга оид давлат сиёсати тўғрисида"ги Ўзбекистон Республикаси қонунининг мазмун-моҳияти, уни ҳаётга татбиқ этиш борасида эришилган натижалар ҳақида атрафлича сўз юритилди.

Форум иштирокчилари 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясининг амалдаги ижроси тўғрисида ҳам хабардор этилди.

Тадбир чоғида Шавкат Мирзиёевнинг 2017 йил сентябрида бўлиб ўтган БМТ Бош Ассамблеясининг 72-сессиясидаги нутқида илгари сурган ташаббуслари, хусусан, глобаллашув ва ахборот-коммуникация технологиялари жадал ривожланиб бораётган ҳозирги шароитда ёшларга оид сиёсатни шакллантириш ва амалга оширишга қаратилган умумлаштирилган халқаро ҳуқуқий ҳужжат — БМТнинг Ёшлар ҳуқуқлари тўғрисидаги халқаро конвенциясини ишлаб чиқиш борасидаги таклифи ҳам муҳокама қилинди.

Қайд этиш жоизки, Ёшлар форумининг очилиш маросимида

БМТ котибияти, бошқа халқаро ташкилотлар, нодавлат нотижорат ва ёшлар тизимларининг вакиллари иштирок этди.

Анжуманда сўзга чиққан БМТ Бош Ассамблеяси 72-сессияси раиси М.Лайчак бугунги кунда дунёда мисли кўрилмаган даражада кўп — 1,8 миллиард ёш истиқомат қилаётгани ва улар ҳамон кўпгина тўсиқларга дуч келаётганини таъкидлади. "Ёшларнинг 70 миллиондан зиёди ишсиз, — деди эксперт. — Бироқ муаммо фақат бунда эмас: ишлайдиган ёшларнинг қарийб 40 фоизи ўта қашшоқликда кун кечирмоқда".

М.Лайчак инновацион



## » OCHIQ MULOQOT

### ЎРГАНИШ, ТАҲЛИЛ, ЕЧИМ

Ўзбекистон Республикаси Президентининг Давлат маслаҳатчиси — Ёшлар иттифоқи Марказий Кенгаши раиси Қаҳрамон Қуранбаев фарғоналик йигит-қизлар учун яратилган шароитлар билан танишиб, уларнинг муаммоларини ўрганмоқда.

Ёшлар етакчиси вилоят марказидаги 1-, 11-, 15-, 23-умумтаълим мактаблари ҳамда солиқ касб-ҳунар коллежига борди. Дастлаб таълим муассасаларидаги бошланғич ташкилотлар фаолияти таҳлилга тортилди. Етакчиларнинг ташаббускорлиги, ҳужжат юритиш ҳамда ёшлар билан ишлашга доир тажрибаси муҳокама қилинди. Ўзаро мулоқотда ўғил-қизлар ички туризмни

ривожлантириш, ахборот-ресурс марказларида бадий китобларнинг сони ва сифатини ошириш юзасидан таклифларини берди.

Кейинги манзил шаҳардаги "Гўдаклар уйи" бўлди. Давлат маслаҳатчиси бу ердаги шароитлар билан танишиб, керакли доридармонлар ва замонавий телевизор совға қилди. Мурғак қалбларга меҳр-этибор кўрсатаётган муассаса ходимларига миннатдорлик билдирди.

Сўнгра Қаҳрамон Қуранбаев Иттифоқнинг ҳудудий кенгаши бизнесода мактаб директорлари, ёшлар ташкилотининг Фарғона шаҳар кенгаши фаоллари билан учрашди. Тадбир давомида муаммо ва

таклифлар таҳлил қилинди, йўл қўйилаётган камчиликларни бартараф этиш бўйича зарур кўрсатмалар берилди.

Шу куни ёшлар етакчиси Фарғона шаҳридаги бошланғич ташкилотлар етакчи ва сардорлари билан ҳам очиқ мулоқот ўтказди.

Иштирокчилар томонидан ёшларнинг мамлакатимиз бўйлаб саёҳатларини ташкил этиш, бошқа ҳудудлардаги етакчилар билан ҳамкорлик алоқаларини ўрнатиш, бандлик масаласини ҳал этишга доир ташаббуслар илгари сурилди.

Қаҳрамон Қуранбаевнинг Фарғона вилоятига сафари давом этмоқда.

Нодиржон ЮСУПОВ



**ДАВРОН СУД ЗАЛИДА  
ОЗОД ҚИЛИНДИ** **2**



**ИШОНЧНИ ОҚЛАШ  
ОЛИЙ САОДАТ** **3**

## » YOSHLAR PRESS-KLUBIDA

### КАМЧИЛИКДАН ТОНМАСЛИК КЕРАК

Ёшлар пресс-клуби "Ёшларга оид давлат сиёсати тўғрисида"ги қонунининг ижросига бағишланган туркум сессияларга старт берди. Эндилик муҳокама қилинган Қорақалпоғистон Республикаси, Тошкент шаҳри ҳамда вилоятлардаги ёшлар масалалари бўйича мутасадди раҳбарлар таклиф қилинмоқда.

Туркум доирасидаги дастлабки кўрсатувда Тошкент шаҳар ҳокимининг ёшлар сиёсати, ижтимоий ривожлантириш ва маънавий-маърифий

ишлар бўйича ўринбосари Алишер Мусаев, Фуқароларнинг ўзини ўзи бошқариш органлари фаолиятини мувофиқлаштириш бўйича шаҳар кенгаши раиси ўринбосари Исламбек Жаҳонгиров, шунингдек, Ёшлар иттифоқининг маҳаллий кенгаши раиси Элбек Шукуров иштирок этди.

Сессияда пойтахт ўқувчилари бўш вақтини мазмунли ташкил этишда мактаб директорлари ҳамда ёшлар етакчиларининг ўрни, бу борада кўзга ташланаётган

муаммолар хусусида сўз юритилди. Афсуски, айрим таълим муассасаларида ҳалигача ҳолат ижобий томонга ўзгармаган.

Масалан, Шайхонтоҳур туманидаги 13-умумтаълим мактабида ёшлар етакчиси бир ойдан буён иш бермайди.

Тўғараклар қозоғзагина мавжуд. Амалдаги вазият эса, жуда қониқарсиз йиғилганлар махсус тайёрланган видеоларни томоша қилгач, бунга шахсан амин бўлди.

Туман миқёсида

ўтказилган сўровдан маълум бўлишича, она-оналарнинг пулли тўғараклардан кўнгли тўқ, аммо давлат бюджетидан молиялаштирилганлари ҳавас қиларли даражада эмас. Яна бир гап: ҳудуддаги "Баркамол авлод" болалар марказида тикувчилик тўғараги фаолият кўрсатса-да, бироқ у ердаги тикув машиналари фақат кўргазма учун қўйиб қўйилган. Бунисига нима дейсиз?!

Сессия давомида спикерлар шу каби муаммоларнинг

илдизлари ҳамда уларни бартараф этиш йўллари хусусида фикр алмашди. Бундай хунук ҳолатлар жамият ривожига салбий таъсир кўрсатиши инobatга олинаиб, масалалар ечимига дарҳол киришилди.

Журналистлар ва ёшлар ҳам мутахассисларга ўз саволлари билан мурожаат қилди.

Эслатиб ўтамиз, Ёшлар пресс-клубида суратга олинган навбатдаги кўрсатувда Тошкент вилоятидаги аҳвол таҳлил қилинди.

Шаҳноза НУРУЛЛАЕВА

## » ESHITDINGIZMI?

### ЭЛЕКТРОН НАВБАТ ЖОРИЙ ҚИЛИНДИ

"Ёшлар уйлари"ни сотиб олмакчи бўлган оилалар электрон навбатга қўйилади.

Янги тизим [www.yoshlaruyi.uz](http://www.yoshlaruyi.uz) сайтида тест режимда ишламоқда. Электрон навбатни ижтимоий тармоқлардаги [yoshlaruyi.bot](http://yoshlaruyi.bot) манзили орқали ҳам кузатиш мумкин.

Бунинг учун Ўзбекистон Ёшлар иттифоқи Марказий Кенгаши ҳузуридаги Республика



комиссияси томонидан рўйхатга олинган шахсларга махсус ID-код тақдим этилади.

Яна бир хушxabар: эндиликда "Ёшлар уйлари"га даввогар

ҳамюртларимиз республика ва ҳудудий комиссиялар хулосалари билан масофадан туриб, яъни онлайн тарзда ҳам танишиши мумкин.

## Бундан ташқари,



Ёшлар иттифоқи тизимида февраль ойи



"Буюк аждодаларимиз меросини ўрганиш ойлиги" деб эълон қилинди.



Унинг доирасида барча ҳудудларда ранг-баранг тадбир ва акцияларни ташкил этиш кўзда тутилган.

## Шунингдек,

Ёшлар иттифоқи кўмаги билан Самарқанд вилоятининг Оқдарё туманидаги "Муштарий" тикувчилик фабрикасига уч нафар коллеж битирувчиси ишга жойлашди.

Ўз ахборотимиз.







